



Bájkkeavijssa NuorttaSállto

- Ij la sierralágásj sáme gássjelisvuohta ...

Tæksta: Børge Strandskog
Järggálibme: Lars Th. Kintel

- Seksualalasj illastime le gássjelisvuohta juohkka sebrudagán ja juohkka sebrudakdásen, valla ij la sierralágásj sáme gássjelisvuohta – ij Divtasvuonan ga. Ij la vuodo dakkir tjuottjodusáida jut seksualalasj illastime li ienep dábálatnja sáme birrasijn gá ietján sebrudagán, javllá SANKS-jádediddje Gunn Heatta.

Sáme nasjunalalasj máhtudakguovdátjin – psyhkalasj varresvuodasuodjalimen (SANKS) le nasjunalalasj ávdásvásstádus viehkeditjtat ávdánahtátjit avtaárvvusasj fáaladagáv psyhkalasj varresvuodasuodjalimen sáme álmugij álles Vuonan. Gá illastime Divtasvuonan ilmmusin de institusjávnná háhppelit suohkanijn váldij aktijvuodav ietjas máhtudagáv fálatjit. Duola dagu Guovddagæjno-ássje baktu man birra le árrum viehka állo sáhka median le SANKS áttjudam máhtudagáv mav jáhkki Divtasvuonaga aj máhtti ávkástallat. Gunn Heatta tjelggi:

- Unna sebrudagájn gánná almasjláhko ij le stuorre le álu gássjelabbo seksualalasj illastimijt ilmodit gá stuoráp sajijn. Uksasjelmá le alla sidjij gudi sihti ilmodit ja sэмми báttá ájnas -ja viehka duosstelis- válljim sidjijda gudi mañemussaj sihti ássjev ilmodit. Ja viehka ájnas le bájkálasj oajválattja dáv ássjev duodas válldi ja tjuottjodusájt dutki,



Jádediddje Gunn Heatta (g.b.) ja rádevadde Ellen Kalstad libá guovtes Sáme nasjunalalasj máhtudakguovdátja (SANKS) barggijs gudi dá váhko li Divtasvuonan læhkám suohkanav viehkedimen.

Leder Gunn Heatta (t.v) og rådgiver Ellen Kalstad er to av representantene for Samisk nasjonalt kompetansesenter (SANKS) som denne uka har vært i Tysfjord for å bistå kommunen.

gájkibuoremusat viehkijn álggolt. Álu jur navti máhtta ássjev tjoavddet bájkálasj sebrudagájn gánná gájka viesáda li viehka lahka oajválattjajda tjanádum, dagu Divtasvuonan, javllá Heatta, gut diedet SANKS berus nordlándasuohkanis sihke ájnegis ulmutjij aktijvuoda válldema diehtij ja mediatjállusij diehtij.

Gunn Heatta rámmpu Divtasvuona suohkanav gá dalága dájmajt biejjaj jáhtuj gá illastimássje ilmmusin. Ij sán alvaduvá gá ulmutja ælla vuojga aktijvuodav válldám lenskajn jali suohkana

hiehtetelefávná duostudiddjij.

- Dánna ij le Divtasvuona suohkana birra sáhka. Válldet aktijvuodav ulmutjij gejt diedá soajttá biejjvet mañnel rámbuvdan jali ietja sosialalasj aktijvuodan iejvvi le sierraláhkáj gássjelis, ja danen ulmutja farra sjávot árru. Álkkep le ilmodit fáhkaulmutjijda gudi álggolt báhti. Dav aj vuojnijma Guovddagæjno-ássjen gánná fáhkaulmutja oarjját oassálasstin, javllá Heatta – gut doajvvu SANKS ulmutja oadtju sэмми rollav Divtasvuonan.

Dán vahko le Gunn Heatta njunnjusin SANKS fáhkateaman Divtasvuonan árrum suohkanav viehkedime ja ietjas dájmaj birra subtsastittjat. Li tjáhkanimijt suohkanijn tjadadam, ásadam álmuktjáhkanimiev Árranin mánnodagá iehketbiejve gási viehka moattes tjáhkani

ja dijstaga ja gasskavahko li priváhta ulmutjij iejvvim gudi li sihtam ságastit. SANKS le aj mierredam gálmma-jahkasasj prosjevtav ásadit gánná áhpadusvirgev Divtasvuodnaj biedji. Virgge galggá jagen 2008 álgaduvvat, virgen gájbbeduvvá nanos duogásj varresvuoda- ja hüksosuorges ja ulme le fágtjehpev áhpadit.

- SANKS:an le nasjunalalasj ávdásvásstádus sáme álmuga hárráj, valla ráddjidum budsjehtaj diehti ep juohkkahattjaj ále ja lip válljim dákkir virgij Divtasvuodnaj ja Snásaj ásadit danen gá goappátja libá sáme giellaháldadusguovlon, ja aj Osloj, láhpat Gunn Heatta



Birusij 110 ulmutja lidjin mánnodagá iehketbiejve Árranij bohtám diedoj diehti ja Divtasvuona seksualalasj illastimijt dagástalátjit.

Omlag 110 personer hadde mandag ettermiddag funnet veien til Árran for å få informasjon og diskutere seksuelle overgrep i Tysfjord.

«Guovddagæjno-stuojmme» Nuortta-Sálltuj bohtá!

Boahhte bierjedagá Leinesfjordan vuoseduvvá, biejjvet mañiela Gásluovtan. Dijstaga guovvamáno 5. biejve de Ulsváge sebrudakviessuj bohtá. Ulmutja riek buoragit filmmaj lijkkuj ja moaddása li dav mañemus vahko gæhhtjam. Bájkkekinoj le dát filmma árrum viehka buorre – moaddása li dav Finmárkon ja Rámsán gæhhtjam. Ja ruvva le dal mijá vuorro!

